

Li Nouvello de Prouvènço : LN.4, en lengo nostro.13.04.2020

Franço : 14.967 décès e belèu mai de 15.000 emé li gènt
countamina pèr lou virus que soun mort au siéu...

Espagno : 16.972 Itàlio : 19.468

Sian en trin de prevèire lou tourna regulié de vosto revisto Li Nouvello de de Prouvènço. Dins l'espèro vous mandan uno garbo d'info sus la situacioun atualo à respèt de la pandemio dóu coronavirus, apela tambèn covid-19. Aqueste tèste es apoundu en fourmat pdf à noste mandadis. Poudrés, à voste tour, lou manda en tóuti vòsti couneissènço, pèr faire uno cadeno prouvençalo de l'infourmacion.

1) Macron : a bèn parla...mai de qu'a dit...Finalamen sian counfina enjusqu'au 11 de Mai (au mens)...Veiren bèn...A coumprés que la situacioun es di gravo e qu'auren besoun de tóuti...A pas bèn coumprés, pamens, que lou Pople Françés demando de comte à prepaus di mancamen dins la lucho contro lou coronavirus, e que faudra bèn ié presenta e belèu sacrificia de tèsto...

2)Au 13.04.2020 à 18 h la situacioun en Franço, pèr la pandemio de coronavirus, èro de :

- 9588 mort en espitalisacion + 5379 mort en EHPAD, siegue un tou-tau de 14.967 mort, e de 27.718 persouno garido.

Aqueste toutau pamens pren pas encaro en comte les décès à doumicle degu au virus. De Mars de 2019 à Mars de 2020 i'agu un surplus d'aquéli décès dins Franço entiero de + 9%, mai emé de chifro mai aut pèr d'uni Region e despartamen.

- Region «Hauts de France» : + 75 %; Seine Saint-denis : + 57 %; Haut-Rhin : + 97 %.

- Autis Aup , Gard, Audo : + 14,9%; Aup Marino, Var, Droumo, Eraut : de 15 à 30 %; Ardecho : + 30 %.

Adounc la chifro vertadiero di mort pèr lou coronavirus passo la chifro óuficialo de 14.967 mort e sian proubable, deja, à mai de 15.000...

3) Pèr la Region PACA avèn agu dins nòsti despartamen, despièi la debuto de la pandemio enjusqu'au au 13.04.2020 :

En 04 : 5 mort, 33 espitalisacion, 4 reanimacion.

En 05 : 3 mort, 49 espitalisacion, 13 reanimacion

En 06 : 75 mort, 278 espitalisacion, 79 reanimacion.

En 13 : 182 mort, 1148 espitalisacion, 270 reanimacion.

En 83 : 61 mort, 289 espitalisacioun, 54 reanimacioun.

En 84 : 22 mort, 73 espitalisacioun, 17 reanimacioun.

En quau fau apoundre 212 persouno morto en EHPAD.

Adounc pèr nosto Region avèn agu despièi la debuto de la pandemio :
503 mort, 18.876 espitalisacioun, 438 reanimacioun.

4) Despartamen vesin de PACA (à la dato dóu 12.04.2020):

En 07 : 40 mort, 102 espitalisacioun.

En 26 : 79 mort, 236 espitalisation.

En 30 : 26 mort, 100 espitalsatioun, 40 reanimacioun.

En 48 : 6, espitalisacioun , 1 reanimacioun, mort : 0.

Avèn pas li chifro dis EFPAD councerni.

5) Nouvèl estùdi dóu Professor Raoult :

A pourta sus 1061 malaut sougna en debuto de malautié emé l'hydroxynechloroquino e un antibiouti bèn couneigu l'azythromycine.

Bilans :

973 malaut gari au bout de 10 jour.

10 trasferi en siuen intensiéu.

31 espitalisa.

5 mort (persouno de 74 à 95 an aguènt d'àutri mourbideta).

L'emplé de la chloroquino a douna 91 % d'eficacita. Li trasfert en siuen intensiéu e lis espitalisa èron degu à l'estat avança du virus. L'hydroxynechloroquino + un antibiouti fan soun efèt à la debuto de la malautié. Pèr aro esperan, estènt que li «*chin*» di labo fan babau.

6) Evoulun de la situacioun dins lou mounde :

4.1 - Argerio : 1825 cas pousitiéu au coronavirus, 275 mort.

4.3. Equatour (Americo latino) : es uno ecatoumbo.

4.3. Estat Uni : la situacioun a d'èstre analisado en tenènt comte de la geougrafio. D'un, se lis USA soun forço countamina, la situacioun es bèn diferènto d'un coustat o de l'autre dóu Far-West.

Sus la costo bagnado pèr l'Oucean Atlanti, adounc la Costo Est, ounte i'a d'Estat forço poupla, lou coronavirus a fa de ravage enjusqu'au Missisipi e i Grand Lau : 20.253 mort, e la tuarié countùnio.

A parti de la costo bagnado pèr l'Oucean Pacifi atrouvan lis Estat gaire poupla e lis immensita geougrafico dóu Far-west, de la frountiero emé lou Canado enjusqu'au Meissico. La Califournio que, pèr lou pouplamen fai ecepcioun (39.557.045 abitant), a enregistra que 669 mort degu au coronavirus, alor que l'Estat de New-York (39.536.653 abitant), n'a enregistra 7847 de mort!

lé caupon, dins lou Far-West, la zouno bèn pouplado dis Estat que

soun d'anciàni coulouniò espagnolo. Eici, tambèn, lou coronavirus a fa de ravage forço limita : Arizona (25 mort pèr 7.171.000 d'abitant), New-Meissico (26 mort pèr 2.059.179 d'abitant), Texas (254 mort pèr 29.000.000 d'abitant).

D'un autre las, lis anciàni plano e terro à bisoun dis Indian dóu Far-West counfiermon que soun pas toucado pèr lou coronavirus : Idaho (6 mort, pèr 1.567.582 abitant), Montana (6 mort pèr 1.069.000 abitant), Wyoming (0 mort pèr 577.737 abitant), South Dakota (6 mort pèr 814.180 abitant), North Dakota (7 mort pèr 760.07 abitant).

Aquéli 5 Estat represènton 1.035.072 km², poupla de 4.788.576 abitant, em'uno ócupacioun umano au mètre carrat de : 2,3 abitant - 2,8 abitant- 4, 1 abitant e 7,2 abitant pèr l'Idaho.

COUME PÈR NOSTE CANTAU E NOSTO LOUSÈRO AQUÉSTIS ESTAT AMERICAN VIVON EM'UN ÈR PUR, UNO NATURO ENCARO PRESERVADO E UNO FORTO DISTANCIACIOUNSOUCIALO ENTRE LIS ABITANT : LOU CORONAVIRUS A DE PENO PÈR SE I'ACLIMATA E RESCOUNTRA DE POURTAIRE CAPABLE DE L'ESPANDIS.

4.4. Cas de la Grèço : A agu 2011 cas pousitiéu au coronavirus e 92 mort.

4.5. Courèio dóu Sud : lou coronavis que semblavo despareigu a refa soun aparicioun.

6) Vesito de Macron au Professour Raoult : Macron fuguè interpela pèr li sougnant dis espitau de Marsiho que mancon de masque, blodo, materiau medicao etc.

7) Morgo funeràri de Rungis : li mort soun entre li cadabre de biòu charoulés e di móutoun tua pèr l'Aïd. La Prefeituro de poiliço de Paris fai paga 250 éurò pèr la plaço d'uno caisso de defunt. lé fau apoundre, pèr li maleiróusi famiho, la soumo de 50 éurò pèr se ié reculi pendènt 1 ouro.

8) Evoulun de la situacioun sanitàri :

8.1. 503.790 signaturo pèr l'emplé de la Chloroquino : la peticioun Douste-Blazy vers change.org : covid-19, petition douste-blazy, marcho desenant vers lou MILIOUN de signaturo.

8.2. Lou CHU d'Angers a lança un estùdi sus l'emplé de l'hydroxychloroquino.

8.3. Lou CHU de Mount-Pelié a lança un assai regiounau, mena pèr lou Proufessour Jaume Reynes, sus l'emplé de l'hydroxychloroquino. 150 persouno saran testado. Lou CHU dóu Clapas sara associa pèr l'assai emé lou CHU de Nime, li CH de Perpignan, Narbouno, Beziés, Sèto e Roudès.

8.4. Lou Labouratòri Phrusten d'Haïfa, en Israël, afiermo que metra en

prouducioun d'eici la fin de Jun, un vacin contro lou coronavirus.

8.5. Tres mège american dison qu'an trouba un tratamen, contro lou coronavirus. Afaire de segui.

8.6 - Assai en Alsaço (Agoravox - L'Est republicain) pèr sougna de gènt countamina à la faso 1 o 2 de l'infeicioun, emé l'azidthromycine + de zinc, metau classi pèr ranfourça li pouprieta anti-bateriano dis anti-biouti. Despiè qu'an aplica aqueste proutoucole, l'espitalisacioun es pus necito..

9) Counfinamen - descounfinamen :

l'a proun tèms que sabèn que sian de c...aro sian counfina...mai faudrié pas qu'à la fin seguissian de c...fini.

9.1. La Valquiriò que presido à l'Éuropo, Ursula von der Leyden, a recoumanda que li vièi siegon counfina jusqu'à la fin de l'annado, estènt qu'en l'abscènci de vacin fau limita li countat emé lis ancian (e anciano).

9.2. Pèr la Franço sian counfina enjusqu'au 11 de Mai, après veiren bèn. Pèr l'Espagno lou descounfinamen sarié lou 29 de Mai e pèr l'Italio lou 3 de Mai.

10 Àutris info :

* Emé lou counfinamen i'a'gu 40 % de mort en mens sus li routo au mes de Mars.

* Fèsto de Baiouno : sarié repourtado à l'autouno.

* Balaruc : l'estacioun termalo es devengudo uno vilo morto.

* Kéké (escais-noum dóu ministre de l'interiour) a agu lou fège de requiciouna 3.500.000 de masque arriva de Chino sus l'aérouport de Mulhous. Èron esta coumanda pèr la Regioun Bourgougno-Franche-comté qu'a reüssi, fin finalo, d'en recupera uno partido.

* Reformo di Retrèto : déurié èstre messo au placard.

* La Buzyn («*elle savait tout et elle n'a rien fait*») es estado reintegrado à l'AP-HP, à hôpital militari Percy de Clamart.

11. E pèr rigoula un pau, vaqui lou proumié couplet (n'i'a vuei) de la nouvello cansoun de Jan-Bernat Plantevin :

LOU COUIOUNA-VIRUS

1 - Desempièi quàuqui tèms i'a uno epidemio

Que s'escampiho lèu, dins touto la Regioun.

Lis ome e li droulas, li femo emai li fiho

Poudran pas s'escapa d'aquelo countagioun.

Sabèn quasimen rèn de sa patoulougio :

Es un malur e meme uno maladioun.

Que poudrié de segur decima la patrio

E s'empega tambèn à tóuti li nacioun (...).